

國子監志

卷之八十

藝文志十四  
詩文

第卒冊



國子監志卷八十

藝文志十四

詩賦

初拜國子祭酒釋奠太學作

王士禎

雍雍禮樂地。肅肅堂廡深。皚皚素雪零。鬱鬱青松陰。堂上鐘虞懸。壁中絲竹音。未學愧承師。撫躬實難任。文學盛鄒魯。流風感至今。早入矍相圃。夙侍緇帷林。未能習禮器。遂以玷華簪。聖朝敷文德。憬彼胥獻琛。岩堯白虎觀。諸儒粲璆琳。





議郎悉承制。更老多橫襟。低徊宮牆下。如聽師  
襄琴。

釋奠恭賦

陳廷敬

朱甍碧殿迥嵯峨。檜柏森森隱玉珂。委珮庭前  
陳俎豆。環橋門外擁絃歌。

恩叨醉酒丹青上。座想橫經翠輦過。大司成置酒堂東  
偏各獻酬三爵以

堂中曾  
駕臨故也聞說太平崇禮樂。祇今簿海盡投

戈

石鼓歌

陳廷敬

石鼓歌者韓與蘇。我今捉筆捋虎鬚。虬蟉撼樹  
何為乎。推尋鳥跡間自娛。皇頡古愁凝斯須。浮  
雲變化萬事徂。斗宿下天羣靈趨。羲娥掩苒焚  
劫餘。陳倉之野纍纍俱。高穹如屋厚土鋪。古物  
敢侮明神扶。博士西顧空嗟吁。偉哉餘慶亦一  
夫。鳳翔廟置煩枝梧。是時十鼓一鼓殊。偽有作  
者其誰歟。傳師向氏何雅儒。殷勤求訪鼓不孤。  
辟雍保和皆埤汙。大觀靖康尾畢逋。東遷北徙  
鳳在笈。王宣撫宅湮榛蕪。虞集矯矯真吾徒。羅



列國子森津途安頓妥帖星當樞聖道無害茲  
無虞天作石鼓宣籀書歐陽雖疑理不誣獻襄  
宇文宣所奴寶玉詎可方砮砮嗚呼石鼓窮鏤  
鏤流浪豈憚馳與驅艱難歷盡形模糊鱗甲刻  
落中不枯人生誰能汝鼓如時哉不遇生良虛  
我歌石鼓排鬱紆韓蘇歌後補所無

石鼓歌

潘耒

太學戟門十石鼓三千年物能堅完蛟龍挐雲  
狀窘蠢星斗墮地形團圞斷成礎石藉天廟擣

餘藥白拋仙壇字刻鼓腹可捫讀白麻搨出文  
斑斕柯條扶疎倒金薤體勢夭矯騰鳳鸞寶光  
古色不可觸把翫十日忘眠餐壇山磨崖刻癸  
巳銅盤鐫墓封比干糝糊髣髴難識認豈若此  
物無彫刻憶昔棄捐在林莽紫苔剝蝕清霜寒  
碓磴搜尋枉博士橐駝負致勞材官姬嬴宇文  
辨時代番吾史籀窮毫端考證異同有歐鄭詠  
歎奇怪兼蘇韓足成十數自皇祐徒入辟雍由  
大觀可憐金人能解事氊裘萬里來戎鞍橋門



位置最妥帖。青衿之子相盤桓。如何三舍法壞  
盡。著藉萬數多綺紈。管絃無聲禮堂閉。幾人到  
此摩挲看博雅。知無古數子。使我佇立增哀歎。  
作歌無才學盤硬。觸事感激秋風酸。

古柏行

吳苑

夫子廟柏數十株。托根自與尋常殊。霜實時時垂玉  
珮。風枝往往鳴笙竽。含貞挺節亭亭竦。儼如冠  
劍森相拱。小者猶留十數圍。交柯屈鐵烟濤湧。  
一株參天勢更奇。鬱蟠元氣何淋漓。摩挲歲月

猶可識。許公手植非傳疑。蛟龍攫拏雷雨作。黛  
色翻從半空落。斑鱗點盡秋後霜。百片青銅光  
灼爍。新甫山頭樵徑封。武侯祠堂碧草叢。西川  
東魯遠莫致。何由罌兀撐晴空。當年元儒推第  
一。遺經辛苦窮編葺。嘉樹栽培用意深。周模孔  
楷千秋則。至今偃蓋拂雲端。雍容子弟趨盤桓。  
豈徒材大資梁棟。直欲香清集鳳鸞。君不見上  
林崇臺千尺高。青棠赤棣皆凌霄。若論歲寒卓  
堅骨。坐使萬木慚丰標。雖池管領真遭際。南榮



歲歲涵葱翠。蒼軒樞門映日寒。素華壁水縈波  
細。攀枝摘葉有所思。六館三舍應爾師。豫章七  
年人始知。不然丹漆將安施。

石鼓歌

吳 苑

辟雍鐘鼓羅俊奇。忝臨六館重臯比。廟楹洒埽  
釋菜畢。顧視石鼓環廡墀。彭亨茵蠢數盈十。刻  
畫文字符鼎彝。文百二行字五百。從甲至癸完  
無遺。始終紀述漁狩事。中載策命諸臣詞。細文  
淺刻堅且好。閱三千載光娥羲。曾經缺齧受風

雨。豈用蟠負承鼇螭。韋韓二蘇染大筆。助流寶  
氣長赫曦。周宣王時史籀作車攻吉日。堪肩隨  
篇章排比類。吉甫體源質古超。相斯誰何小儒  
恣評駁。不究根本多然疑。先秦西魏駕空說。嗤  
點欲使成癥疝。自來神物多隱現。晚出往往千  
秋垂。周官左氏右六籍。卯金專門叢詆譏。至今  
首冠甲乙庫。儒生糶菘如畚菑。撫茲鼓質最龐  
厚。瑯琊山骨窮屨屣。雍城城南久托迹。蛟鼉鸞  
鳳藏瓌姿。辭嚴義密難諷讀。句奇語重誰思維。



鴻生鉅學茫不識。任春日炙秋風吹。縱敲牧火礪牛角。却免摹搨傷皮肌。譬如深山石犖确。歲月久遠無成虧。文王紐在禹追蝕。其豈屬屬聲音為。自唐訖今始的皦。日星雲漢光天達。高駝巨艦凡四徙。終然碁置。

文宣祠百靈呵護神作合。傳萬世世遐無期方今。

天子闡絕學。玉函金版皆繙披。詎惟瑰辭追雅頌。直使

鐵畫伴絲芝。

黼惟丹宸多制作。慶雲五色紛葳蕤。黃支烏弋遠受

吏海外來學航於茲。莪莪髦士拂芹茆。軌度肅整趨委蛇。

聖謨文治四洋溢。浩蕩匝匝無津涯。講蒐前制載編牒。

或按周典揚戈麾。威靈宣暢警函夏。琯弓彤矢斑陸離。從臣才藝敢誇詡。稽首拜獻成功詩。天球琳琅刻金石。潤色鴻業攀姚姒。炳麟煌燁照六合。卓然此事有職司。研搜故實要參考。名為石鼓良乖宜。建康天發石三截。暨禹岫嶺堪旁推。石形似鼓制非鼓。徇迹忘本差毫釐。摩挲髣



髴古人意定作閱武岐陽碑

石鼓歌

王原

我謁太學歲丙寅。九秋既雨天氣新。廟貌肅穆  
 迴絕塵。右平左城通堂陳。戟門森立高嶙峋。內  
 塾十鼓碁布勻。周宣垂今二千春。三代法物希  
 世珍。文謨武烈墜復振。烝民韓奕學士呻。方叔  
 召虎儕鳳麟。尹氏仍氏詞絕倫。大小二疋存其  
 醇。大蒐岐陽秣韜親。迺命譔列示無垠。編詩不  
 入昧所因。翻幸虐燄逃暴秦。陳倉滅沒同泗淪。

李唐獲九奇不純。其一刻中投杵頻。皇祐得之  
 田野民。呵護浩劫宜鬼神。鍍之黃金錯白銀。金  
 人剔取馳北輪。宣撫宅廢蕪管榛。虞公請置功  
 不泯。竭來摩挲餘百巡。史籀不作難考詢。手畫  
 生胝吟燥脣。心重古器詞罔伸。斑斑駁駁星向  
 晨。三百廿五龍蛻鱗。九未全蝕亡一辛。耳目荒  
 忽雲雷屯。鳥跡蚪蚪辨莫真。蛟蟠鸞翥勢未馴。  
 韓蘇鉅公生不辰。強尋難讀淚墮巾。矧當愚蒙  
 識如燐。邈從天漢窺涯津。麋鹿連連驂駢駢。維



鱣維鯉以柳緡約畧大義車攻鄰難以意解取  
笑嗔我聞彝鼎銘至仁武功勒銘則鼓鐸合江  
鐘石紀禹禋厥制最古聖所循之罟詛楚馬與  
鈞麗牲沿俗羞彬彬崇尺有咫徑度遠銳上廣  
下妥帖蹲白仰虛受鼓覆均圍圓質厚膚理皴  
緬懷上古風何淳封山禪亭空積薪大書特書  
摩貞珉高陵陟陟遠古堙其迹盡逐雲烟湮惟  
聖有作無緇磷縱亡其器詞在紳授受箋釋窮  
白申况傳此鼓士響臻絕勝熹平觀經人悅與

楊解揖讓賓幾忘渺末蟻蝨臣生逢敢冀充介  
僕潜然後百六紀身

讀王令貽石鼓歌追和子瞻韻 張尚瑗

嗚呼古來人物顯晦不可常軼事難從訊遺叟  
掩抑千年忽昭揭蛟龍撫護五丁走魯宮魏冢  
竹素書祇今一一誦人口烟銷煤燼行復著何  
疑獵碣初唐後爾日陳倉披草看十亡其一惟  
存九剡刮土芩拭苔繡琅琅炳若天星柳遂令  
流傳編好事周廟鐸于甄墓斗韓公蘇公詩繼



作淋漓大筆字運肘。聚觀日多口日衆。瘡痍彈射爭好莠。由來名盛百毀生。疑信喧騰供惡友。此鼓自唐流至今。子復生孫雖哺穀。立乎定哀指隱桓。零編斷字皆蝌蚪。就令餘慶偽手造。已堪閱世稱耆耆。何況宇文與嬴政。羣言示叫一夫族。

聖朝崇儒興禮樂。峩峩泮壁新塗白。虎觀還聞聚學徒。鹿鳴曾說歌矇矓。十碣依然盡無恙。靈文翕絕齊岫嶺。園橋受學肩相差。古物摩挲手胝厚。

韋帶摳衣階下誰。江表鯁生名氏某。觀碑亦廁羣英後。俯仰從前歎希有。司空解辨桐魚鼓。中壘能知貳負杻。搜求芒昧須博物。奚懼墳羊與土狗。所嗟歷劫仍至此。劉蹶羸顛視若偶。邱墟已聽幾鷓聲。輦載頻回萬牛首。向使仍前尚淪汨。牧兒蹴蹋羗童掬。直置金鐘大呂間。陸離光彩人爭取。自古成名在得地。清水難同濁泥垢。要之至寶不終棄。自分球圖堪世守。琉璃質脆櫛葉輕。斯須悅目旋彫朽。嗚呼君不見方召功。



勲樊尹才文字模糊石猶壽

石鼓歌用蘇子瞻原韻和王令貽張宏蘧

宋 肇

我髮未燥心好奇。周宣獵碣詢遺叟。執經曾為  
 國子生。屢肅衣冠戟門走。嶙峋驚覩石鼓文。欲  
 讀牴牾難上口。累朝考究窘鉅公。矧我生當千  
 載後。樸質輪囷列仍十。古蹟剝蝕載維九。臨池  
 書學渺蟣蝨。筋骨徒教誇顏柳。嗒然對此喪所  
 懷。昂首高天爛箕斗。我車我馬辨不易。畫肚移

時動右肘。繽紛光景浮雲敲。隸楷俗書埽稂莠。  
 強尋邊旁鬱深衷。乍測奧義呼良友。卧度卯酉  
 推索艱。如趙武靈探穀穀。憶昔中興菟岐陽紀  
 績銘功勒蝌蚪。歌辭煊赫躋雅頌。從臣撰述定  
 者耆。或云嬴氏或宇文。異議相沿誰所啖。天留  
 重器登成均。壓倒犧尊與鬯卣。趨蹌上舍勤俊  
 髦。想像歌工煩矇眊。金石刻畫蛟鼉盤。聖作歸  
 然並岫嶽。竭來摩挲儼落星。元氣淋漓鮮芩厚。  
 昌黎子瞻遞咏嘆。音訓豐碑表某某。蹉跎三紀



緬神物光怪羅胸詫希有厭親簿領謝文翰忍  
見庭除設械柎拓本寓目心一洗斯邈以還等  
瓦狗陳倉淪棄鳳翔遷日炙火燒存亦偶流傳  
奕禩位置妥蹲鴟排比齊其首曰窠曾憐任春  
榆牧豎幾遭來擊掊縱經鄭重金玉鏐播蕩戈  
鋌旋別取嗟哉顯晦固有時至寶終難忍埃垢  
出之泥草獻清廟祭酒先生昭世守江右兩生  
韓蘇才鞭撻風騷若拉朽石鼓之歌欲和難應  
附此物千萬壽

仲秋釋奠

湯右曾

海甸同文日橋門釋奠時牲牢遵舊典肸蠁肅  
神儀道統三才合儒宗百世

師器猶存俎豆祀已重壇壝律應清商管齊先上戊  
期侵階開紫陛列仗擁黃麾韻欲流金石尊看  
潔象犧璆懸存虞業瑤筐薦堂基素壁留香久  
靈風卷幔遲倏如函丈接炳若日星垂醴酌思  
遺版車攻有舊碑槐陰當殿合松蓋拂雲欹仙  
草依幽砌文芹漾碧漪



清時修禮樂。上相主盤匱。調燮勳方大。精虔意不疲。  
 丹楹浮翡翠。碧瓦護琉璃。瑞氣澄清靄。祥光接  
 曙曦。淵源繼顏閔。名德重臯夔。壁水羣賢在。蘭  
 臺百籍披。宗風傳絳帳。家法守臯比。吾道今安  
 仰。斯文總在茲。青衿諸弟子。聯袂獻聲詩。

太學紀事十首

彭會淇

謁廟

夙昔蓬山展拜虔。移官喜近  
 聖人前。雍容導引羅衿佩。親切趨承列几筵。未學愧

分新絳座。儒臣榮溢舊青氈。回思釋褐春風日。  
 叨被

恩光十七年。

釋菜

曈曨殿角啓朝暉。月吉親  
 師古禮存。肅若朝儀齊。虎拜頌來法。醞獻犧尊。教先  
 鼓篋歌鳴鹿。潔薦溪毛效采繁。檠燭影搖羣吏  
 散。綠陰深鎖映朱垣。

齋宿



初攜襪被入西廂。半榻琴書靜夜張。

聖主齋宮親祝冊。小臣清署自焚香。鈴聲到枕風吹閣。

柏影橫階月轉廊。隱隱晨雞纔動聽。橋門劍履

已成行。

陪祀

春秋秩祀重雍宮。庭燎光齊鹵簿同。鷓鴣隨班

光九列。牲牢將事盡三公。欣從俎豆趨承下。得

廁衣冠拜舞中。分昨攜歸叨

聖澤也。登鼎實薦宗工。

觀樂

釋奠工歌雅奏揚。先期陳設兩楹旁。賁鏞架刻

螭頭重。簫鼓形摹鳳味長。譜出元音風渾穆。傳

將法器日輝煌。

聖人自建中和極。豈獨司存有奉常。

會講

夜燃藜火一燈青。曉起攤書向廣庭。談引清風

傾滿座。坐移晴日上疏櫺。噌吰鐘鼓齊觀聽。想

像羹牆見典型。自是



熙朝文教洽。期門弟子盡橫經。

校課

廊廡陰森樹影高。每攜多士競濡毫。當年問字  
惟寒峻。此日程材盡譽髦。淬厲秋風誰奮翮。呬  
唔午夜尚焚膏。

國恩思報慚無補。次第鉛黃敢憚勞。

習射

矍圃風流在澤宮。不徒男子事桑蓬。即今禦侮  
歸樽俎。大抵奇英讓沛豐。決拾既調年正少。鞬

橐纜解賦還工。太平

天子勤蒐狩。好侍長楊與射熊。

檢書

太學書樓儼石渠。登樓猶見有藏書。棗梨充棟  
沈蛛網。篇帙盈箱走蠹魚。檢點不辭臣職在。搜  
羅應念

國恩餘我

皇著述高千古。好侍新頒內府儲。

修碑



牆陰石碣幾縱橫。土蝕苔侵草自生。剩有姓名傳甲第。尚將年號認元明。虎闌標榜承新寵。雁塔留題感舊情。幸際昇平文物備。殘碑拂拭若為榮。

遊國學摩挲石刻恭賦二律

劉凝

雲烟滿目結交神。樂石於今始得親。瞻

聖雁行如弟子。聳霄虬幹遜先秦。

殿前老柏六十一株。蔭蔽數畝。肅人心目。其巨者合抱。右旁一產岐游汴老燕邸。辱

林輪囷離奇。尤為古物。

白榮金續火薪。暮雨朝風悲喞嘆。桐魚考伐和

鳴鐸。

幾家箋註幾家詳。史籀當年義類長。並建兩都

通臂指。特咨分陝重封疆。

石鼓詩。言言又安要道。至於兩都與分陝。

尤為西周一

大關鍵。采詩原不編金石。

孔子西行不到秦。此韓昌黎謬解。

汲古奚堪比衛王。篇什固多知者少。寒山共語歎岐陽。

太學白丁香詩

雍試作

周清原

翠靄輕籠靚素妝。枝頭點點綴寒光。月明有水皆為影。風靜無塵別遞香。一自宮牆容弱質。漫



隨桃李鬪濃芳。獨憐淡冶當春暮。應許栽培向玉堂。

文廟釋褐

查慎行

數仞宮牆霄漢連。兩楹俎豆故依然。曾陪鼓篋三千士。重到橋門二十年。未學豈增科目重。菲才特荷

聖人憐。較他儕輩蒙

恩早。獨在青衫未換前。

釋褐後

文廟賦

謝道承

六經本不為科名。爵判天人在此行。今日辨香分獻後。驅車歸去自分明。

石鼓歌

沈德潛

九天星精化為石。墜落平地三千霜。累累十鼓重琬琰。迄今太學森寒芒。籀文蝌蚪形髣髴。強尋跟肘推偏旁。車攻馬同建旌旄。東都氣象何焜煌。蛟龍鬣鬣牙角厲。羣靈荒忽駭鸞凰。字傳三百三十四。其餘齷齪難推詳。始從陳倉歷鳳



翔輦來燕京。由靖康。飄零遷徙。閱兵火。石刻直  
欲關興亡。周秦真蹟多漫滅。穆滿馬磴傳荒唐。  
嶧山之碑遭野火。之罘片石付渺茫。中興獵碣  
獨無恙。成周

昭代遙相望。神明鬼物永呵護。天應眷念岐西王。聖  
賢法物理不朽。豈以世遠淪滄桑。傳聞禹碑在  
岫嶽。紅文綠字垂琳琅。昌黎搜索不相遇。咨嗟  
涕淚流滂滂。後人尋山得踪跡。恍惚雲際摩青  
蒼。安得移載至一處。臯益申甫陪同堂。方今

聖皇崇道術。辟雍鐘鼓紛趨踰。園橋聽講日千計。何止  
觀者如堵牆。討搜遺文補殘缺。駉駉趨趨煩校  
量。長楊從獵撰詞賦。敷陳功德追岐陽。自慚貧  
賤伏草莽。仰望無路排天閭。

太學石鼓賦

有序

沈德潛

石鼓周宣王獵碣也。起於西周。晦於秦漢。顯於  
唐。遷於宋。而位置太學。則始自有元。迄今在  
先聖廟之兩塾。成周法物。列辟雍鐘鼓間。盛典也。  
國朝崇儒重道。軼於往古。四方萬國。習禮太學者。



紛紛填集。視東漢之世。園橋門而觀聽。抑又盛焉。昌黎韓子所謂聖恩若許留太學。諸生講解得切磋者。迺於今日遇之也。章逢下士。幸覩瓌奇表。

聖世之右文。揚三代之古物。謹成小賦。用述偉觀。辭曰。

京師實首善之地。太學為觀禮之門。典常備於辟雍。制度昉於成均。尊師教胄。敬其學。抗法講藝。明其倫。執經於此者。瞻殿廡。循階級。惟禮儀。

器數之諮詢也。則有籩豆尊彝。執磬祝。敵金鐘。大鏞。玉戚。干羽。而戟門之內。左五右五。其圓如釜。其屹如礎。如碁之置。如星之聚。是為有周之石鼓焉。維昔宣王。庶政孔修。迺擇良日。迺命諸侯。昭文章以行狩。耀威靈而大蒐。徒御嘽嘽。旂旌悠悠。六轡馳駿。三驅解罟。撰詞者吉甫之侶。作篆者史籀之流。勒豐功於文石。陳鴻業於岐周。此東都朝會。藉成康之餘業。而復文武之遺謀也。由秦及漢。由漢及唐。雖風雨經其剝蝕。實



神物為之護防。搜其奇於陳倉。移其地於鳳翔。訖宋宣和。遷於汴梁。依厥玉薤。填成金章。南渡以前。輦歸朔方。有元大德。登諸上庠。焯焯煌煌。炳炳烺烺。歷前明以迨我。

朝。與六經彝訓同耀。文於數仞之宮牆也。獨是前儒議論。判然分割。韋應物謂記文王之功。程大昌謂銘成王之績。鄭夾漈謂合於秦代之斤權。馬定國謂近於宇文之石刻。而經韓退之蘇子瞻之表揚。張懷瓘趙明誠之剖析。則維魚貫柳。

之文辭。洵與吉日車攻而匹敵。相視蟲魚。披尋科斗。鬻缺偏旁。依稀跟肘。鸞飄鳳泊。龍拏蛟走。比玉樹之交柯。肖嘉禾之連畝。仙靈荒忽而游。翺矛戟森張而前後。惟辛鼓之無文。作民間之春臼。按釋文以推詳。庶甲乙丙丁之能剖。縱觀前代。古跡空傳。岫嶼之碑湮泐。穆王之磴摧殘。比干盤銘。祇堪想像。之罘石碣。徒付雲烟。惟茲十鼓。不侵蘚暈。不蝕苔錢。蓋依文廟而長存者。興王之跡。與



聖人之澤同不朽於億萬斯年方今

聖皇御世德盛道隆參兩大而無外昭二曜而有融重

司成以明齒胄之訓任司徒以立典禮之宗問

道者型仁而講讓砥行者守己而物躬而且爬

羅故典開拓心胸討論乎趨趨之點畫校量乎

駟駿之異同撰長楊以作賦侍甘泉以成功則

其摩挲石鼓者殆將心契岐陽之狩獵神游鎬

洛之鼓鐘於以贊襄文教於無窮也哉乃作歌

曰

石鼓貴重逾璆琳籀文如見姬王心置之太學  
衆所欽

聖皇典禮壬與林諸生誦習撫瑟琴游泳

至德心悟悟大道無疆齊高深斯鼓永壽昭古今誕敷

文德通赫任飛鴉食蕞懷好音小臣作歌如獻

箴

臨雍賦有序

沈德潛

古者天子大報禮郊祀天報生物功也社祀地  
報成物功也視學以祀先聖報參贊天地萬世



永賴功也今

皇帝即位以來。本過化存神之德。善繼善述之孝。綱紀天下。百度具舉。萬方胥謐。天神地祇。感格默佑。乃擇戊午春月吉日。

駕臨辟雍。命三公九卿大夫士。皆得扈從。儀衛整肅。百靈奔走。臣民緝集。翹望

屬車。

皇帝入廟展謁。穆然虛己。冲然改容。先聖儀音。恍若相接。於時衆樂合作。古昔虞夏殷周以來。典禮次

第舉行。園橋門而觀聽者。何啻億萬計。大禮既成。普天胥悅。由

皇上聰明睿知。聖聖相承。道統治統。萃於皇躬。而禮數之盛。文德之隆。得與虞庠周雍。後先媲美也。草莽小臣。遙聞

盛典。如置身三代以上。不揆媿陋。謹操筆而賦之。洪惟我

聖人之御宇也。本一敬。叶三靈。心翼翼。德明明。承

三祖



二宗之大業。深事天。勤民之至誠。銘湯盤於闈闈。舞虞  
羽於階庭。洵禮章而樂亮。亦政肅而刑清。溥仁  
風於埏垓。敷文命於溟瀛。隆拜師祭聖於國子。  
法講學行禮於鎬京。迺咨大臣。迺詢柱史。命羲  
和以練日。召秩宗以典禮。既崇聖之有儀。向辟  
雍而戾止。斯時也。帝屬大皞。神為勾芒。淑氣煙  
煜。晷影舒長。虎賁導引。象衛騰驤。蜺旌軒舉。虹  
旃飄揚。萬騎駢羅。而擁護。千官列布。而趨蹌。大  
丙驅役。而戒塗。鈎陳整肅。而成行。翠虬夾輦。而

蜿蜿。蒼螭扈蹕。而攘攘。

鑿輿輪馳。而殷殷。和鈴聲動。而瑤瑤。瓊瓊砢砢。礪礪琅  
琅。動容發音。而觀者咸肅。清屏息。知

萬乘之下乎閭闔。而屆乎康莊。賢關在望。宮牆斯即。卬  
帶水而若環。水旋卬而如壁。浮清暉於大射之  
所。靄瑞氣於大成之室。前旄按節。而停麾。法從  
緩轡。而止軌。維時弁冕總總。章縫繹繹。肩麗武  
接。紛紜雜襲。覩

聖人之肅恭。孰不稽首至地。而以手加額。



皇帝乃斂容式禮。齋心告虔。登歌廟庭。釋奠堂筵。陳樽  
壘與幣帛。飭簋簋與豆籩。啓胙骨之焚膏。焜燁  
蕭之高煙。爵五獻於几席。樂六變於宮懸。

躬俯興於

先聖。分灌奠於諸賢。杳馨香之升聞。達精誠之潔蠲。  
因得以

一人之恭己。而昭格生民未有之

聖於在天。於是崇尚齒之典。行引年之儀。安車輜輪。  
兼以几杖。適饌省醴。授以卮匱。存祝哽祝噎之

意。得行廩行粥之遺。此

天子養老於幸學之日。以之重道而崇師也。若乃庶尹  
雲臻。羣髦霧會。

皇言昭宣。夫經術。儒生問難。夫疑義。辨虎觀之異同。析  
石渠之蒼萃。聳然動聽。爽然若失者。下及雞冠  
虎鬣之流。遠及魍髻鏤膚之輩。此

天子講經於幸學之日。以之振聳而開瞶也。百里洽賞  
賚盛。頌酒酢。分藻蕙。臣工優渥而拜

恩。多士沾漑而肆覲。爰重國學之師。爰申胄監之訓。社



元吉者蓋取諸泰。錫蕃庶者受之以晉。上既和而下既樂。金同昭而玉同潤。殆事畢而功宏。乃迴龍而返駿。聽萬口之歡呼。孰不頌

天子之聖明。真可祖堯而述舜。昔漢高之過魯。祠太牢以明禮。翳武皇之建學。得遺經於棘榛。越建武之崇儒。詔溫恭而討論。洎永平之拜老。親饗射於成均。豈如我

皇之隆軌。跨越前代之賢君。蓋惟敬也。故能齋莊中正。以肅於對越之辰。惟誠也。故能精純真一。以格

夫

先聖之神。惟和也。故能匪怒伊教。以樂乎無小無大。從

皇于邁之倫。則仁義之化浹。而聖人之道備者。洋洋乎。巍巍乎。直接大成之心法。而維治道於常新。頌曰。於昭

元后。儷三五兮。鉅典煌煌。紹聖緒兮。於論於樂。考鐘鼓兮。勤學興賢。求佐輔兮。文教旁流。洽九土兮。敷天薄海。奉規矩兮。作



君作師萬物睹兮天眷至德永為民主兮

成均古槐歌

張若霍

洙泗微言啓靈鑰一燈未墜承伊洛宋元之際  
許懷州間起相師返衰弱當時講習擁臯比曹  
子洗洗聞木鐸一勺難窮學海瀾三雍敬奉人  
師約雲蒸雨降名嶽尊芒寒色正秋星作東西  
兩序集儒紳地靈一氣相迴薄西山蒼翠落庭  
除壁水澄波下寥闊講堂高踞西北隅鼉鼓鯨  
鐘振絕漠是時樹人等樹木梁棟名材入斤削

有槐成市古所云拱把微生手親度不知樹閱  
幾滄桑成毀曾誰考崖畧天禧古柏慈仁松僵  
立青冥烟雨合腹垂癭疣穴螻蟻巢怯童髡翻  
鶴鶴歸然獨剩魯靈光五百流年箭雜曠我  
朝文教徧遐陬萬里如呼順風納執經負笈逮諸  
蕃侍子冠巾雀魚躍四海謳歌答管絃

兩宮溫清聞韶濩長樂筵陳

萬壽觴天酒春生

聖人酌丹鳳門前字十行



詔曰求賢兼賜爵

壽母推恩及泮芹。文思肆雅賡場藿。懽聲雷動九衢人。  
六館生徒躡芒屨。此槐冬枿忽春榮。生意婆娑  
頓如昨。槎枒老幹出鈎尖。張王新枝翻笋箨。虬  
鬚徐展碧氈毳。兔目紛翻綠瓔珞。鳴風不改舊  
笙竽。作勢仍為古拏攫。金絲殷壁衆音和。石鼓  
搜奇千手拓。堵牆觀者嘆且詫。漢柏秦松皆退  
却。產祥當與孔檜俱。論年何不莊椿若。一物能  
迴造物慈。千秋不受風霜虐。澤及太清下太寧。

芝草歲蕤醴垂酪。淑氣先徵首善區。光風早扇  
幽人壑。小臣額手誦薪樞。願植巖廊光五柞。

太學十詠

王雲廷

周宣石鼓

頽首謁橋門。蒼然獵碣存。籀書三古遠。法物百  
王尊。繡幕金華殿。沙流石鼓村。何如托韓筆。長  
此老乾坤。

元代老槐

堂右孤槐在。留傳說魯齋。春風今已邈。手澤尚



堪懷雨色蒼皮溜苔痕朽骨埋鼓鐘誰繼響寂  
寞伴空堦

柏庭翠蔭

鬱鬱復葱葱參天黛色同染袍分柳翠照案映  
藜紅晝靜常疑雨庭間自嘯風斜陽銜殿角金  
碧聳層空

石井甘泉

丹墀檜影森下有寒泉冽未辨活水源頗憂修  
綆折一泓鑿鬚眉古甃藏冰雪應為苦吟人酌

茲消煩熱

兩序書聲

書聲喧兩廡無復辨琅琅疎密參簷溜悠揚徹  
院牆閉門山共靜抱膝興偏長何處遙相和新  
蟬噪晚涼

六堂燈火

傳柝三更靜挑燈六館明參差螢案亂掩映月  
窗橫風露空堂迥淒其夜氣清懸知太學客不  
羨照長檠



長廊步雨

積雨長廊寂。足然聽足音。入簾多草色。環戶半槐陰。好鳥時三啜。幽蛩更一吟。不須深谷去。自少軟塵侵。

射圃歸鴉

一望蒼茫裏。閒登雙相廳。歸鴉寒樹集。落日遠山冥。過此懷觀德。何人繼勒銘。奚須盡投筆。編簡始垂青。

輦道月明

皓皓紛紛白。彝倫堂外多。長衢光瀉水。夾徑露穿莎。涼意生衣袂。秋聲入院柯。倚簷還展卷。莫問夜如何。

橋門雪霽

雪後望宮牆。粲然出紛繪。鏗鏘墜簷簷。簪瓔挂庭檜。拂石有古碑。踏冰挹晨靄。豈惟耳目清。悠悠與神會。

重鐫太學石鼓賦

羅修源

禹疇福備



舜律風從海流浩漾金奏春容

聖集大成合虞夏殷周之隆而文同六寓

教先首善軼遼金元明之舊而制啓三廡地緯天經

粹室之五經奕奕珠聯璧合蘭亭之八柱重重

頒法器於廟堂已煥西清彝鼎排寶書於獵碣更超東

序鐘鏞懿夫石鼓肇自周宣狩著岐陽之蹟篆

垂史籀之鐫斫蛟鼉於快劍下鸞鳳於羣仙溯

陳倉之初散洎皇祐而終全門比鴻都幾嘆星

移物換簷深大廈無勞裹席包氈古器縱橫軒

頡相追夫唯諾長歌跌宕韓蘇久寓夫流連觀

其蔭借庭槐影遮壇檜跟肘依稀雲烟掩藹雨

淋日炙之餘玉振金聲之外剔苔蘚以摩挲列

東西而映帶大文有耀衆星之落落難名至寶

無多缺月之娟娟如繪故藉撫呵於神物石不

可磨而新觀聽於橋門學原稱太爾乃孔壁音

傳

堯章雲倬弁

宸唱以焜煌



詔從臣而揚摧。集腋重成。循環細斷。奇剗什襲之珍。謹  
動四門之學。因難見巧。珠大小而走盤。比事屬  
辭。玉一雙而為珎。綴斷文於貫柳。居然若網。在  
網。緝雅什於攻車。宛爾鈎心鬪角。三千餘年以  
後。丙申之吉日。還符四百餘字之貽。甲乙之貞  
珉載琢。其製則磊落中規。團圞踰尺。雷篆迴旋。  
雲根潤澤。色斑駁以對楹。質璘璠而藉礪。數符  
龍負之圖。象儷虹流之壁。傍矇奏之靈鼉。映樞  
星之列戟。巧繪癡胝。全鏤波磔。蛟蛇競走之形。

蚪蚪初分之迹。雙鈎妙手。漫填南宋之金。萬古  
斯文。莫叩臨平之石。况乃春白形殘。

奎文製補。掩雅凌風。函今邁古。茂矣冰斯。瞠乎岫嶺。帶  
教胄之夔音。雜充庭之鷺羽。

賜榮飛白。同分壁府之輝。搨寶硬黃。更泐灤陽之廡。聽  
鼓聲而思將帥。歧蒐猶新。撫星宿而遺義娥。葩  
經載譜。撰刻屆上春之候。蟄啓雷門。受成溯在  
泮之儀。

威宣饒鼓。是惟



文化久成

武功遐布藻片日蔚夫菁莪金石徧諧夫韶護泥金檢  
 玉陋漢室之彌文弓秀馬駒煥周京之掌故義  
 臣之鳥跡如新魯殿之蠹文永護書萬本誦萬  
 徧繼辟雍賁鼓之篇駕四牡乘四騏笑羽獵長  
 楊之賦

初拜國子監祭酒釋菜太學作二首

吳錫麒

春風釋褐記扶搏重此承

恩報稱難半世青氈恢故物一簪白髮領儒官丹鉛撫

拾槐廳續

時法時帆侍讀輯槐廳載筆初成

風雨摩挲獵碣看

兩字人師吾豈敢諸生努力本先端

質明行事肅趨蹌松柏陰森肅兩行絲蕞習儀

誥博士緇帷望拜燦神光金絲節奏虛空合片

藻馨香對越長萬古斯文同照被自欣身近聖

人傍

大學石鼓賦

李驥元

帝建成均天開王會俯州序以居先冠黨庠以



名大槐列市中。水環橋外安石鼓之雙雙。罩絲雲而靄靄。象圓形於頡洞。絕少欹斜。留勁質於宮牆。不需埃塏。當日岐陽始勒。武功傳制作之奇。此時國學重鐫。文運際乾坤之泰。溯周宣之王也。禮重蒐苗。人歡獵較。太史銘功。荆山採璞。鐵鋸粗裁。銀刀細琢。中渾質而堅貞。外團圞而卓犖。異諫鼓之陳規。殊鼉鼓之調樂。楚珩秦璧。價並崇高。寶鼎華鐘。色同斑駁。鐫以蟲書。鳥跡模軒頡之前模。煥乎霞蔚。雲蒸。覺冰斯於後覺。

歷千載而若護神靈。經百代而宜陳大學。然而周著鴻詞。秦拋古籍。似珠委淵。如玉沈澤。或竅開混沌。鑿成白窠。或形肖鼓雷。賤逾瓦石。幾多苔蘚。蝕殘垂露。懸針無限。雨風湮沒。銀鈎鐵畫。鳳翥鸞翔。而外韓侍郎撫迹。摩挲車攻。柳貫之餘。蘇學士吟詩。慨惜自唐迄宋。而稱奇。由汴歸梁。而滅迹。散殊難聚。茂邀精衛。銜來缺匪。易全孰倩。媯皇補益。惟

聖右文惟



皇稽古選博雅於臣工補遺亡於石鼓工精削琢如金  
歸大冶之鑪匠善磨礪似劍拭張華之土雲觸  
輝生魚豉韻吐合計則三三餘一恍成易於庖  
犧分陳則五五成雙擬錫圖於大禹幾千餘載  
遭

盛世而重新四百餘言遵古文而細補豈科斗之留  
疑自魯魚之莫誤規程邈之隸書參史籀之矩  
步珉質鐫詩金聲擲句大厦陳羅雕欄寶護成  
一朝之著作協雅追風埽百氏之猜疑披雲撥霧永

增光於俎豆來依夫子之牆敢誇美於詞章用  
獻辟雍之賦

石鼓賦

胡長齡

有石鼓之環觀置辟雍而並彙溯唐宋而始昭  
迄金元而益貴獲窪臼而數全移陳倉以文蔚  
壁水園橋宮牆逼緯磨礪圭角畧無沙土之痕  
鬱律蛟蛇爰聚金銀之氣其為狀也則渾沌未  
鑿圍徑相中粗堪礪角蹲若當熊畧備鞞鞠之  
製無須鼉甲之蒙過雷門而匪布出交趾而殊



銅羽去靈臺之樹音沈蜀郡之桐若睢鼎之浮  
汾水比禹碑之出祝融文成古篆辭仿車攻其  
為字也則鐵索金繩鸞翔鳳舞細書淺刻久經  
日炙雨淋語重句奇競欲流眊畫肚摘邀避之  
別體幾同亥豕焉烏尋趨趨之殘文半是郭公  
夏五讀成雌霓幸留潘迪之音足接短鳧難信  
升安之補於是人持異說各逞師心鄭漁仲倡  
游言於宋馬定國騁臆見於金字見秦權遂謂  
惠文勒石狩徵白水因稱大定從禽不知許氏

說文緝小篆而已分丞殿何為蘇家述古陳祖  
德而不及球琳若夫披廣川之書跋繹雍錄之  
舊聞辭徵左癖事据楚氛雖復岐蒐奄歸差非  
覺語然而舫舟需雨未見明文若因疑獻歐陽  
彼繫辭尚闕非孔子豈以詩傳應物遂後世定  
知有揚雲事惟近古而可徵語在潛心而靜玩  
立乎定哀之後已有異辭刪自唐虞以前斯為  
善斷韓公好古欣逢右輔之六年魯叟從官乃  
作鳳翔之八觀並致美於周宣想成功於江漢



嘉禾擢秀。因之跟肘可尋。碧樹交柯。信矣逶迤。不斷。當其猶淪大野。半委荒崖。苔纏蘚蝕。火蒸烟霾。星依稀而辨斗。篆髣髴而盤蝸。視同遺礎。孰起沈釵。自餘慶傳師而始移。太學閱皇祐崇。寧而乃班天階。填金楓陛。副墨槐街。迨金源而再缺。得虞集而重排。寶傳宋榻。賞過蕭齋。誠鬼神之呵護。與雅頌而同儕。爾乃觀溢鴻都。摹從學府。體傳史籀。猶存楊柳。魴魚俗哂。義之何論。漏痕釵股。典盛上儀。事昭常武。得

睿論以發蒙仰

聖人之稽古。煥矣成均。陳之門廡。周庭法物。同珍古器

於十枚。天上寶書。應冠鴻文於四部。

石鼓後賦

胡長齡

必逢嘉會。乃幹元功。惟

聖人之作觀。發終古之洪濛。有成周之重器。與小雅而

同工。昔美三驅之典。今為四術之崇。雖代寶於

前朝。已僅識折釵斷角。將更傳諸久遠。恐愈滋

別雨淮風。是宜加之綴輯。爰有待夫



龐鴻當夫初離榛莽移伴藻芹既幸重氈遠裏不隨  
 野火俱焚若登闕里之堂敬觀禮器如發魯宮  
 之壁重見典墳薛鄭施潘各釋邯鄲之三體旂  
 弓車馬誰排興嗣之千文猶稱闕典未集殊勲  
 况乎體錯六書世更三統在十去二已同魯薛  
 無文得半窺全不減鄭何聚訟抱殘守缺難尋  
 足本於張生州次部居安得說文之叔重摹來  
 夾雪損過定武之鏡讀去銜箱艱澁洛生之誦  
 倘日就於雕刊更孰資乎參綜幸際

昌期載瞻周道爰就成文重排

睿藻紋穿雜俎表則集以千狐玉附交枝樹迺裝乎七  
 寶

親成首末貫條理於始終自在流行妙杼機於懷抱碎  
 金納冶再窺籀史之裁書餘字補戈更進馬卿  
 而視草於是伐石新鐫依古不汰語穿一一遺  
 珠尚可按求響聽登登賸馥廣為沾丐不比支  
 分潭絳漸離淳化之真何須本別瘦肥親預永  
 和之會彼夫銘辭縱在已無刀劍盤杆即云篆



韻猶存。不見琬戈鈎帶。何如形圖真嶽果協從。周。任它棗刻斯碑。無譏自鄙。振古無雙。於今有二。辟雍。

講學。京師固首善之區。灤水

時巡。在泮亦獻功之地。新舊並陳國學。可稱二妙於一臺。次分輦置興桓。用示

六飛之七萃。變則通而通則久。擬議以盡其辭。一生二而二生三。妥帖各居其次。備哉粲爛。莫不令儀。十章三復。千載一時。在昔好古之儒。亦有心於

是之正。無如小言滋懼。恒束手而不敢為。功舉非常。始信

聖兼作述。力還大雅。益嗤儒陋。編詩茲蓋伏遇我皇上。天亶聰明。

道彌宙合。握金鏡而照物無遺。鼓洪鈞而羣材自納。誕敷

文德。日月麗其光華。載告

武成。乾坤施其闢闔。豈周室所能傳。致

宸章之下答。義貫珠纒。文占簪盞。作朋三壽。



臨雍欽昕鼓之徵拜  
賜千官奕禩寶貞珉之搨

附

元

石鼓賦有序

周伯溫

予嘗考古石刻而岐陽石鼓為第一每讀韋韓  
蘇三君子之歌心蓋奇之訪諸士大夫具在京  
師欲往一觀而無由也皇上踐祚之始年有詔  
置石鼓太學遂列於

宣聖廟之兩塾尊之也明年改元皇慶予列國子生  
撫玩之獲償所願夫以三代遺物置庠序中盛  
典也韓詩有云聖恩若許留太學諸生講解得  
切磋蓋欲而不得故冀之於乎韓公不得見於  
昔時而吾輩得見於今日何幸如之輒為賦曰  
周有石鼓今在辟雍列橋門而甲乙相輝映於  
西東紛質理之泐蝕偉形制之穹崇有文秩秩  
有詞泐泐法皇頡之妙畫續小雅之變風蔚兮  
九天之儀鳳蜿兮六合之神龍欣獸魚之物庶



嘉車馬之攻同。歷歷兮瓊株森竦於元圃。依依兮神龍隱見於蒼穹。嗟追琢之渾厚。或制作於天工。於赫宣王。宏振頽綱。四國既遂。百職既張。睠茲農暇。載飭戎行。踵武前人。蒐於岐陽。史籀才藝。當時俊良。播之聲詩。勒之琳琅。其形之不一者。因樸質之自然。其數盡於十者。表治極之功揚。在戰國暴秦而韜晦者。抑貞介遠其污辱。歷兩漢六朝而不泯沒者。必神物為之護防。歲紀茫茫。顯於李唐。韋韓歌之。藹其有芳。迄宋宣

和。斯遷於梁。金人襲沒。遂歸朔方。維天子之龍飛。當文運之日昌。誕降德音。輦登上庠。文石重藉。周衛兩旁。六經彝訓。因時表章。大比曠典。同日舉揚。遐邇縱觀。陳迹復彰。嗟夫九州之鼎。已沈淪而不可得。岫嶺之石。又漫滅而不復有。惟斯文為至寶。實終古之罕偶。惜摺撫之有遺。不見稱於魯叟。何人之蚩蚩。窪一為白。質損文存。庸詔永久。後乎此者。豈無祖龍之頌功。茂陵之封禪。亦皆埋朴於榛莽。雖萬一之或傳。適足以



著其君之無取。然則石鼓之周流於世者。天非徒壽之。蓋以寄古文於不朽也。乃作詩曰。刻石鼓兮周賢王。置之學兮自我皇。紛胄子兮樂未央。日咏歌兮揚揚。維大道兮無疆。齊地久兮天長。維斯鼓兮作配。勿壞兮勿傷。保億齡兮於耿

光。近光集

石鼓賦

羅曾

子盍觀夫鳳翔八觀之一乎。岐山蒼蒼。西周故疆。昔人伊誰。內修外攘。予嘗訪遺蹤於岐下。得

故物於榛荒。曰莓龍剝落。雨墨淋漓者。秦嶧山之碑乎。細筋入骨。玉樹交柯者。漢原廣之彝乎。章殘字缺。讀不能句。快劍斫斷。生蛟鼉。非秦人詛楚人之辭。蓋楊修不能語其妙。而子雲不能識其奇也。於是摩挲徒倚。沈吟久之。然後喟然歎曰。我馬既同者。車攻之徂東也。其魚魴鯨者。吉日之燕喜也。彼頑然者。不可叩之鳴兮。吾知其為宣王之石鼓也。方其明堂受朝。岐邑講蒐。萬里無塵。四海一秋。天戈麾日。凝雲不流。勒駿



功於石鼓將永鎮於岐周。異銅仙之可移。空迴首於萬牛。嗟惟此石。俛仰千古。橫奇寶於道側。微博雅其誰顧。或龍騰而水躍。或鸞下而鳳翥。雖字體不可知其誰之筆。兮意作誦必當時之吉甫。曾編詩之不見收兮。亦何恨無人乎李杜。於是慨然援筆磨蒼崖之壁。泚秋空之露。取昌黎慨歎之歌。而作石鼓之賦。燕都游覽志

石鼓賦

李丙奎

偉周宣之中興。鑄石鼓而泐成。煩鬼神之守護。

復遇元和之太平。邈所來之何從。實韓門之張生。愚嘗玩其辭。考其義。義雖密而辭嚴。與車攻而同意。惟字體之瑰奇。非科斗而非隸。所恨者雨淋日炙之既久。而其中可辨如邀之為我。僅百中之一二。其幸存而未泯。宜退之以之鋪張。眩耀於當世。謂刪詩無西行之迹。使至寶為道旁之棄。言有大而實夸。遂有以來歐陽子之議。安知棄之者非三百篇之刪餘。又安知為之者非出於後來之好事。文翰類選



送國子監伴讀倪行簡赴京 吳澄

激灩離杯泛九霞。還家未久便辭家。出門惻惻重闌遠。前路漫漫萬里賒。不怕狂風妨去躑。但愁寒月照棲鴉。諸生凝望須君至。共贈新詩賞

雪花 草廬集

書上都國子監壁 虞集

神京極高寒。幽居了晨夜。雷風無時發。零雨每飄灑。炎光不到地。蕭爽度長夏。大化漠無宰。豈必事陶冶。揚雄不曉事。守道栖栖者。元經百無

徵白髮謾盈把 道園學古錄

次韻國子監同官 二首 虞集

坐隱烏皮髀肉消。諸生應笑嬾邊韶。階前老馬隨秋草。袖裏遺編俟早朝。乞米西鄰晨有粥。思家南國暑無綃。經明亦是歸耕好。清夢無時萬里橋。

學宮南直禁垣陰。假寓惟愁兩壁沈。一曲鏡湖遺老事。三年經幄小臣心。銀河回夜天逾近。草徑迎秋露轉深。珍重鄉人居巷北。時能來往和



烏琴同上

辟雍賦

楊宗瑞

聖元誕膺天命。德洽仁浹。三陸晏然。萬國臣妾。  
 神聖代作。武功赫然。天啟聖皇。乘龍御天。登三  
 邁五。繼後光前。敘五福以錫庶民。播仁風而胞  
 八埏。厭吏治而樂士。賤遠物而寶賢。乃尚文德。  
 韜武功。一制度。作辟雍。聲教被乎遐邇。隆運軼  
 乎時雍。其為制也。璧月印海。洄風舞漪。方壺屹  
 兮中峙。長虹爛兮四垂。黌序秩兮奐輪。簷甍翊

兮翬飛。產三秀兮殿楹。羅石鼓兮庭闈。八戶闔  
 闢兮乾坤。九楹儼雅兮壁奎。鼓鐘頌其於樂。振  
 鐸宣其教辭。翫芹藻兮澄碧。俯菁莪兮中坻。澹  
 文魚兮遊戲。肅威鳳兮來儀。乃有髦士碩儒。咸  
 集於茲。馴良喻兮德驥。朋來况兮總龜。紛冠蓋  
 兮後先。翳裾佩兮陸離。建嘉猷兮二典。擬鴻休  
 兮六詩。並追芳兮伊周。齊接武兮咎夔。含咀續  
 天之葩。咳唾明月之珠。是皆素邱園之賁。而來  
 賓上國之輝者也。至若萬乘戾止。六龍馳馭。日



表淵穆。天顏冲邃。百王駿奔。千官肅懿。以祀以饗。禮嚴物備。飲食三老。釋奠。

素王。洞洞屬屬。濟濟跄跄。耄倪仰聽。而咨嗟。億兆嚮風。而樂康。在泮宮。而宴樂。陋魯侯。而不齒。園橋門。而觀聽。視漢世。其孰昌。乃進諸生。論經史。研治否。推今古。色笑以教。匪狎匪怒。聖敬日躋。恩渥時澍。頌聲媿乎韶夏。慚德薄夫湯武。於是益窮致治。爰發德音。誕告多方。簡擢士林。思臻霖雨之佐。以協宵旰之心。集天下之英材。執行藝

於京國。鷗鵬奮兮南溟。驂騑空兮冀北。捫膺拊心。揮雲吐虹。來遊來歌。載歌辟雍。歌曰。環壁水兮作辟雍。建文治兮啓淳風。進多士兮表至公。翳令德兮垂無窮。恢宏庠序之制作兮。準酌成均之遺踪。固非後世之所可擬倫兮。宜與唐虞成周而等隆。不然。何以表皇元萬億年太平之

成功賦

石鼓

揭傒斯

孔廟頽垣下。周室石鼓眠。苔兮敲火跡。雨洗篆蝸涎。



野老偷為臼。居人打賣錢。有形終一盡。流落漫

堪憐。秋宜集

送汪編修出知餘姚州賦得石鼓作

宋 鑒

繫昔中興王。振武岐陽蒐。臣工作歌詩。紀績庸  
闡幽。琢石製為鼓。深刻將垂休。澤堅不少磷。文  
字粲以周。古拙出史籀。蟠錯紛蛟蚪。羶駝護轉  
徙。逮閱三千秋。天朝尤寶惜。移置宮牆陬。棲息  
得所托。珍祕價莫酬。使者鐘鼎器。出守趨東甌。

敦樸且貴重。華采殆罕儔。旌麾暫補外。廊廟行

見收。亦若此鼓然。置之崑崙邱。燕石集

文廟石鼓詩

馬 臻

獵碣鐫功事。惘然摩挲壞石臥。寒烟昌黎已道

文殘缺。又後昌黎五百年。霞外集

賦得石鼓送達兼善出守紹興作

吳師道

石刻三代遺。獨數岐陽蒐。剝落臥榛菅。奇寶誰  
見收。金源亦好事。馳載來薊邱。豈知橋門鎮。天



為興邦留。吾老幸摩挲。考古思西周。使君精篆  
 法。聲華鎮皇州。足追史籀制。惜值車攻休。駢駢  
 五馬來。東向會稽游。會稽豈無碑。頌述徒夸浮。  
 願言宣仁化。樹績垂千秋。吳禮部集  
 陳彥理昨以漢石經見遺。今承寄詩索石鼓文  
 答以此作

吳萊

橫山先生多古玩。太學石經分我半。魏公世藏  
 資州本。金石錄中還散亂。當時愛奇巧。收拾筆  
 畫。昭回映雲漢。流轉到我乃不遠。虬甲鳳毛真

可惋。自從得此。未有報岐陽石鼓。天下觀昔則  
 敲火。今斲臼。駱駝載歸石盡爛。倉沮以後。即史  
 籀先代遺寶。列圭瓚。中郎變篆生八分。二者不  
 敵。何足算。先生嗜書出法帖。青銅堊壁手脫擘。  
 漆書科斗不通俗。蛇蚓蟠結強塗竄。先生博學  
 抱聖經。焚膏繼晷日耽翫。韋編鐵槧只紙傳。鄒  
 魯精髓合淹貫。國子門開塵沒城。蓬萊閣廢草  
 堆岸。春秋徒聞壁可假。道德詎信鶯能換。古今  
 所重在周典。周史面目極敝數。聖心不死不在



石。日月行天旦復旦。吾家故紙本不惜。驪頰有珠吾欲鍛。向來見辱亦云然。焦尾之餘爭免爨。先生安坐幸勿躁。歲晚相逢笑拍案。屏除許事不須說。好與吾儒峙楨幹。吳淵穎集

贈陳九成游國學

李存

黃雲潭潭天欲雪。陳子初來即言別。值吾築室正狼籍。為煮春茶供再啜。子宗九江稱義門。明年挾策遊成均。奎章先生賦詩贈。秋波一幅清無塵。竊聞國初許祭酒。正義堂堂古稀有。諸王

駙馬皆敬憚。帳下公卿列先後。即今規矩猶當時。肥羊大餅午不飢。願君努力積分數。他日錦

衣當晝歸。類元文

石鼓詩

顧文昭

古文不可見籀也。遺芬芳古今二千載。字畫猶端莊。缺落雖不完。間亦存數行。如逢冠劍士。濟濟游巖廊。想見當時盛。會朝坐明堂。僕隸皆正人。從知史臣良。况在文武日。缺豈少忘。西旅貢厥彝。召公遠為防。周宣中興主。羽獵思外攘。



缺哉詞語間未及缺荒趙君博雅士好古能

收藏起我缺

題詩贈慨慷

鐵網  
珊瑚

石鼓詩

盧原質

羲皇妙心畫人文始昭宣後聖更有作載籍日

粲然成周逮中葉宣王振其顛宏網用勿墜厥

德未為愆偉哉岐陽獵伐石工磨鐫方前固云

邁揆後信猶賢嬴秦一何愚盡滅古簡編翻刻

李斯文乃欲垂萬年豈謂不旋踵埽迹如雲烟

孔壁遂啓莊

缺

亦偶全于今二千載

缺

盛

流傳要知文字行白石麗中天

缺

蕩無存人

心復

缺

先賢去我遠魯魚失真詮安得周召

徒為倡麟趾篇

同上

明

石鼓詩有序

唐之淳

洪武丁卯秋九月予在燕城觀石鼓因賦四十

韻己巳三月鄉友趙撫謙氏持墨本來京師俾

予錄諸卷尾

郡學舊辟雍中有岐陽鼓古今所聞十左右各



惟五離離大星隕兀兀壞雲補累累營窳減落  
落陳沙聚質若切元玉制若覆氣釜精若鎔五  
金文若斷釵股孤峯割秋瘦千葩耀春嫵森嚴  
列戈矛爾雅冠章甫厓冰溜靜懸海暖浪掀舞  
摧輶半折軸敗舫或遺艫小龍彭蠡歸大鵬扶  
搖舉斷苔明碎錦古墨漬潤礎思昔委秦郊雷  
電驚草莽耒牛礪其角鑿臼加以杵幸今依黉  
宮星日照廊廡圭壁遜其儀俎豆與之伍脫非  
天意憐或是神明祐深簷白晝永老屋翔鸞翥

晴連晝戟陰冷濕宮牆雨諸生獲講解髦士資  
訓詁啓鑰煩豎閣損本利商賈韋辭表姬周韓  
語懷李杜雄章迭鏗鈞遺恨寄酸楚紛紜歐蘇  
作詰屈薛鄭譜稱評雖靡定仿像詎非古鯁生  
千載下匏繫三江滸神徒馳周南足不出城府  
適從遼碣役遂作幽燕旅平生慕奇聞一日獲  
嘉觀初臨色愈莊欲狎氣斯沮如親至東都揖  
讓申與甫如親與田獵搏攫兕與虎如虛蔡覓  
腹烹太牢肥羜如洗蜩蟬耳聆笙磬祝敵羈愁



破昏懵喜氣決眉宇。時惟躔壽星。歲甲在彊圉。  
天寒號鴟鴞。城荒茂禾黍。宗周本予懷。覽古亦  
天與。摩抄重圖訓。蹶蹈媿庠序。聊陳曹檜風。式

繼韓韋武

萍居

登崇文閣

陳連

巍乎高哉崇文之閣兮。吾不知其幾百尺。突兀  
直倚蒼冥中。雕簷高飛近曉日。瓊窗洞啓來清  
風。前瞻兮帝闕。下顧兮辟雍。京畿鬱兮千里。五  
雲近兮九重。太行西來兮迤邐。居庸北拱兮籠

從。峯巒遠近共環峙。削出朶朶金芙蓉。是中奇  
勝甲天下。何況此地名儒宗。圖書浩瀚紛莫數。  
文光夜吐猶晴虹。漢家天祿之不可復見兮。幸  
喜斯閣之高崇。值校文之多暇。日徙倚而從容。  
愛扶輿磅礴之奇秀兮。呼吸盡使歸心胸。闌干  
笑拍飛鳥上。豪氣不減陳元龍。俯視十二衢。車  
馬塵濛濛。欲招李謫仙。更拉東坡翁。長此共嘯  
傲。不使心冲冲。蒲萄酒傾瑪瑙甕。日醉三百玻  
璃鍾。人間亦是有勝境。何必遠度扶桑東。願裁



上雲樂。進入蓬萊宮。上將萬壽祝天子。文風聖化永與天地長無窮。文翰類選

石鼓詩

程敏政

岐陽埋沒草離離。汴省燕都石屢移。一代文章存鳥跡。百年風雨蝕鼉皮。摩挲尚識宗周器。題跋誰鐫蒙古辭。却愛勝游黃叔度。孔庭懷古立

多時。篁墩集

三月八日扈從視學聽講說命文言有作

程敏政

萬乘隆師禮不煩。上庠開講重淵源。朝衣絢日金緋匝。御織迎風錦繡翻。相業古來存說命。從龍今日感文言。鳳團分賜叨陪坐。願續聲詩紀

治元。同上

石鼓歌

李東陽

昔聞石鼓在太學。鼓形穹窿石犖嶮。髻年釋褐隨班行。未識研覃與揚摧。始官翰林歲分獻。晚以代祀觀尤數。我思古人不可見。健筆雄詞兩超卓。宣王謨烈繼成康。况有文章存古樸。是時



風俗蓋渾灑。其臣拜誦俱堅確。勒功太廟告中興。講武岐陽猶獵較。於時旋凱奏饒歌。於時颺言播聲樂。靈祇地不愛圖書。引石天然謝雕琢。垂垂股折屋漏痕。隱隱昏星露芒角。初如淮徐振師旅。壯士當場鳴劔槩。又如申甫端冠紳。擯相聯階舞干箭。年深歲長世運改。誰向鴻荒究絲邈。羸劉以後無此文。直與混沌分清濁。驟看筆勢尋風骨。細剔苔痕認斑駁。原拋野擲墮榛菅。冬經霜雪夏冰雹。疑隳大鼎存銘識。似毀明

堂露椽桷。當時十鼓一為臼。猶幸農家事春馭。愛惜應勞神護呵。搜尋不厭山礲确。暗中摸索亦可知。辨口尚煩泣楚璞。聖朝天子方好儒。森列戟門護重幄。聞之興慕且興敬。以手摩挲防擊撲。我生學篆希前蹤。下視俗書羞齷齪。家藏舊本出梨棗。楮墨輕虛不盈握。行年七十始研求。老臂支撐目昏眊。拾殘補缺能幾何。以一涓埃裨海嶽。太原宋生生好奇。鐵筆為矛親刻斷。吁嗟往者不復還。庶免方來盡漫剝。請從祭酒



告諸生誦此衣冠日薰濯

懷麓堂集

太學小試賦

陳憲章

明皇啓運兮其道其昌  
 誕敷文教兮辟雍堂堂  
 斯道壁立巍巍兮於鄒魯而有光  
 擁臯比兮而  
 摳趨衿佩爰命試而觀厥志兮  
 匪予名之為害  
 孰秉筆而肖象乎天工兮  
 英聲播於成均嗟予  
 小子奚有於是兮  
 抱孤蹇而無聞  
 鞭古心兮自  
 趨拘世路兮孰隨  
 不舍規矩兮  
 聖與我而同歸  
 牆高兮宮廣  
 進不已兮  
 終吾身而鑽仰  
 蟬蛻人

欲兮天命自全  
 下躍魚兮上飛鳶  
 善學兮知止

豈若彼俵俵兮  
 比夸毗之子

陳白沙集

謁

孔廟

李夢陽

端笏陪朝列  
時禋謁

聖林戟門留石鼓  
 春殿靜珠琴  
 奎府星連切  
 壁池龍

躍深詵詵趨國子  
 早晚翠華臨

空同集

觀石鼓歌

何景明

我來太學謁



孔廟下觀戟門石鼓陳之罟詛楚已蕪沒此石照耀  
 垂千春苔昏蘚澀讀難下蟲雕烏剝細不分古  
 畫詰曲蛟龍隱石氣慘淡烟霧紛周王功勳史  
 籀筆數石散落岐陽濱中興氣象豈復覩大篆  
 意格誰曾聞先秦文字稍近古兩漢摹搨多失  
 真六朝以來尚靡麗鍾王往往稱通神唐愈宋  
 軾遞歌歎長篇險韻何悲辛大觀之間入汴國  
 君王好藝崇斯文高駝巨艦遠載致金填玉嵌  
 傳相珍靖康乘輿忽播蕩保和玩物隨烟塵神

驅鬼守散復聚至寶豈得空沈淪文皇北來定  
 燕鼎不置太學留成均博士無煩上書請諸生  
 頗得親講詢虛廊畫壁安置穩大厦長簷覆蓋  
 新不隨鐘鼎怨磨滅已與琬琰爭嶙峋平生博  
 覽愛古蹟世上墨本徒紛紜此雖殘缺歲已久  
 尚覺隻字輕千緡壁池日月動華袞奎閣星斗  
 羅貞珉嗚呼

孔廟在萬世此石與廟長無湮大復集

石鼓歌

王叔承



嗚呼倉頡莽千古。即生史籀亦塵土。太學之東孔廟門。何得乾坤留石鼓。奇珍歲久魂離魄。古文斷落增艱澀。野禽剝蘚枯皮蒼。山蟲蝕土朽骨白。日照猶看星斗移。雨來恐有龍蛇出。當年此鼓留陳倉。駱駝欲載周文章。貴如郃鼎宜在廟。祭酒却謂韓生狂。後遭鄭餘稍顯異。宋家始能歸大梁。黃金填字石所醜。靖康離亂鼓北走。埋沒胡塵二百年。或落農家春作白。文皇有意置成均。敕使鬼神永呵守。我曾捫讀慨夙懷。長揖

宣尼洒杯酒。周宣昔狩岐陽時。籀文爛漫天王辭。石鼓隱見不可測。佛龕一字爭傳奇。大篆分流及蔡氏。作者日下江河卑。嶧山火迸秦王石。世間墨本空棗梨。鍾王亦似涉靡麗。忽瞻石鼓興慚悲。時乎通變聖不免。工王我邀皆其微。但願君王重吉甫。朝廷再樹中興碑。崑崙集

秋祀

先師恭述

王慎中

維馨歆歲事。有佺恭明神。豐功報宜重。



孔祀典攸敦明明天子命宣哲協欽文咨惟百工長  
曰予克宅臣攝祀昭我將奏假具惟寅庶僚既  
濟濟多士亦振振肆佾表殷薦大烹羞明禋格  
思儼無斁仰止儀自尊大哉

聖人德展為帝者賓

遵巖集

次丁香花韻

有序

李元春

東廂舊有丁香花大司成龍石許水南張二  
公相繼唱和少司成王公次韻手書登石萬  
厯癸酉春以司計從事成均依韻賦和興仰

止之思耳

名花培植始何年玉署相看倍可憐不與國色  
爭奇麗自爾天香出澹然疎影騰霞橫絳帳綠  
陰浮座散青烟倚闌斜日烏啼靜仙籞鶴鳴遠  
夢騫

石鼓歌

黃輝

成均橋門列者石相傳周宣員獵迹翁勃時時  
雲氣生倒薤依微破苔隙髣髴媧皇五色墮錯  
落星辰尚堪摘此石閱人人遞喜昌黎先生好



尤癖可憐光價絕鼎鐘霜草風沙無憐惜元和  
到今復幾歲流落尤能脫白碣金繩斷鈕玉柯  
迸蟬捐何由見光澤

孔子刪詩偶遺漏不緣片碣誰搜索或疑成後蒐岐  
陽椒舉之言具楚籍車攻即類宣王詩四牡東  
徂豈西適周家蒐苗世有事平岐岷雒定何擇  
大篆分明史籀手詛楚卑卑其能役况復李斯  
七日歎弱骨今猶相碣嶧此書穆滿當伯仲爭  
令支孽掩宗祏宇文偏陋復安取一笑豎儒揣

量窄甄豐奇字誠辱收六體粗堪證今昔位置  
何須爭甲癸參差枉自疑君帛從教缺剝費摩  
挲古意居然存者碩顯晦隨人亦有時一出雍  
涼幾為客小雅終存王者氣夜夜精光岌相射  
護持豈為耽奇字想像中興在明辟方今太平  
無一事風雅歲蕤孰攬撫但令夢寐到成宣隻  
字猶堪動心魄老生更訪吉日碑別盡崑崙亦  
何益嗚呼石鼓歌成誰獻聞槐市陰陰土花碧

本集



石鼓歌 閣試

焦竑

周原石鼓奇且閎。幾年踪跡沈蓬萊。世遙幾得  
覩拓本。殘章斷碣如瓊瑰。何人輦載踰千里。至  
今照耀黃金臺。河傾崑崙勢曲折。雪壓秦華高  
崔巍。蔡邕嵇康那足數。石經奔走鴻都儕。回思  
共和歷隋代。披荒斲古其誰哉。天昏地慘鬼夜  
哭。至寶欲出風雲埋。韓韋博雅始一識。鄭向搜  
索窮山隈。四百六字傳青簡。二千餘載開蒼苔。  
龍畫旁分爪蟠互。蟲書深刻神剪裁。求致太學

竟不果。鳳翔落莫空山崖。皇明文物邁前古。沖  
融雅頌相沿洄。辟雍橫陳雜駟驪。廟堂臚列參  
樽罍。想見周王盛羽獵。從臣撰述皆奇才。聲詩  
炳蔚垂日月。雕鏤宛轉回雲雷。之罘山泐跡半  
埽。漢水鼎沈石已灰。豈知籀往蹟自在。摩挲細  
讀如談詼。近傳岫嶺碑更偉。青字赤石鉅以魁。  
宣王雄俊神禹智。何異鼻祖于雲來。神物出沒  
兩不偶。昔何掩翳今昭回。安得移之置一處。挈  
龍披鳳心眼開。春風却立讀萬過。咎繇吉甫親



追陪嗚呼咎繇吉甫親追陪同上

石鼓歌

王家屏

我聞周宣蒐岐陽其時中興王業昌作詩刻字  
傳永久辭高二雅文三倉遺碣累累至今在鬼  
護神呵更顯晦自岐徙汴復入燕幸遭珍重休  
明代鴻都石經久已訛此鼓完好曾不疲

文廟之中戟門畔幾回別薛為摩挲固知至寶非容  
易合令安頓森嚴地今皇文治邁成周講求自  
是詞臣事誰人得比韓孟才斡旋風雲天漢來

惟有岫嶺一片石千秋萬古共崔嵬復宿山房集

石鼓歌

朱國祚

橋門左右獵碣十形如古礎相排連窪中或與  
蒼白似抱質可敵瑤琨堅傳書昔自太史籀比  
於大篆尤瑰妍其詞典奧儷二雅髣髴吉日車  
攻篇周京遺製衆所信疑義莫定文成宣紛綸  
雖滋翟鄭議審視終異秦斤權下逮宇文豈能  
爾蓋堂所見毋乃偏嗚呼神物不易覩三代舊  
跡稀流傳巫咸告辭熊相詛裕陵寶惜今棄捐



比干銘折衛州壤穆滿書徒壇山巔會稽定石  
 字茫昧岫嶮秘跡文糾纏倚撫非乏好奇士千  
 搜萬索無真詮詎若石鼓離復合陳倉入汴還  
 留燕氈包席裏索駝背塵蒙露濯蝸牛涎置諸  
 太學始皇慶於今又歷二百年深簷五丈密蓋  
 護不受長雨闌風顛我來摩挲輒終日證以郭  
 薛施潘箋凝思斷桐來自蜀叩之定有聲淵淵  
 文殘非因硬黃搨劃缺反憾鈎金填長廊無人  
 起題壁回視落景棠梨懸

介石齋集

石鼓

郭天中

鼓非石賈者星文非鼓勒者銘焚外書刪外經  
 經雅頌書典刑隸秦漢徑睽庭篆龍鳥藍洩青  
 白謝杵春黻停嵌辭金波畫零我拜手神之聽

帝京景物畧

賦彝倫堂前石畧

袁廷玉

流沙迢迢隔溟渤不取昆吾鑄奇物杏壇花開  
 春晝遲帝遣良工琢山骨圓如蒲壁巨如輪三  
 尺瑤臺高捧雲子午南北已定位度數安用羅



星辰六堂深沈更漏早旭日扶桑照林杪一絲  
影射白玉盤萬井鐘聲報清曉先生盛服坐臯  
比獨配華磚催直時寅賓出納著二典赤心祇  
許義和知爰則晨昏造小子寸陰自昔勤終始  
期在涓埃答主恩大明教化同一晷

柳莊集





